

LA GRAN

# CRIDA

Fatta da Vergon dalla Sambuca,  
per haver perso l'Asino del suo  
Patrone,

*Dove s'intende il gran viaggio fatto da lui  
per ritrovarlo.*

Cosa molto bella, piacevole, e da ridere.

Di Giulio Cesare Croce.

In Bologna per Antonio Pisarri. *Con lic. de Superiori.*

Curì, curì, brigà,  
Ch' à vui mandar la crida,  
Niun d'vù n' rida  
S'ha fag mi al trombetta,  
C'ha sud dal piè a la vetta  
Tant'hoia caminà,  
Vedi ca son sudà,  
Ch'arriv ades ades,  
C'aves ò ch'saves,  
O c 'haves mà sapù,  
O intes, o presentù,  
Over udi parlar,  
O sintù rasonar.  
O haves intendiment  
D'haver sintù alla zent  
D'l volt businar  
A ch'mod s'tol far  
Quand a sen cusì fra nù  
D'un asin ch'è perdù  
Da una stemana in zà,  
Ch'è bis, e s'è vergà  
Un poch in s'l spal,  
L'è alt ch m'è un Caval  
Mo nò d'qui grand grand,  
Sal fus vgnù in sti band  
A chi m'l'insgnarà,  
O indicij m'in darà  
Mì i don un ducaton,  
L'è l' asin dal patron  
Ch' quest' è tut al mal,  
O l'è al bel animal  
Po' far ch'an dig al mond  
L'è gras, e gros, e tond  
Ch' al par iust un turdet  
E s'à sort al si met  
Un sacc d'gran ados  
Al salta sovra i foss  
Ch'al par un cavriol,  
O l'è al bon bstiol,  
Sovra la fed mia  
A i hò fat tanta via  
Pr vler atruvar

Ch'al son andà a cercar  
Pr tut sti Chmun,  
Ch' an n'hò lassà nsun  
Ch' an l' hapa cercà;  
E prima a son stà  
Qui d'sovra a Bertalia,  
E po' pr qula via  
Hò voltà l' Arcoviez,  
Ma si a farev piez  
S'a vlis precisamente,  
O quisi urdnadament,  
Cuntarò al mi viaz,  
Dond a farò un passaz  
Quisi via senza pinsar;  
Horsù stad ascoltar  
Un poc sta nuvella,  
A son stà a Curtsella,  
Al Treb, a Pescarola,  
Al Borg, a Bagnarola,  
A Bagn, a Bonconvent,  
E da appress a Cent,  
A Arzel, ed Arzelà,  
A' Ronch, alla Sterpa,  
I Ronch da Venezan,  
E fin a Cadriàn,  
Padella, e Casadia,  
E fin a Montvia,  
La zò alla Molinella,  
Anch alla Barisella,  
Prunai, e Prunarol,  
Maran e Granarol,  
San Zorz, e Ghirghinzan,  
Fres, e Rubizan,  
Son stà alla Ricardina,  
A Budri, a Medsina,  
A Fiessi, a Barbarol,  
Viadagola, e Armarol,  
Son stà a Zola Predosa,  
Al Mdla, a Raigosa,  
Ho cerch la Lungara,  
E tutta Caldarara,  
A son sta' a Varignana,

A Casola, a Vedrana,  
A Rus, a Gavasè,  
Sabion, e Salisè,  
Gaibola, e Barbina,  
Piz Calv, e Rastignan,  
A i hò cerca Duraz,  
Calcara, con Pimaz,  
L'Amola, e la Livradga, N  
pinsà ca m'aregda  
S 'ben a fò di salt,  
Ch' à son sta fin a Gualt, A  
Zess, a Granaion,  
Al Sas, a Castion,  
Anch' alla Flippina,  
E po' alla Zuanina,  
D' li alla Galiazza,  
E pò vulta la fazza,  
E s'ho cercà Bazan,  
Angola, e Crisplan,  
E pr fin a Galiera,  
Mo ò vist chal n'iera  
A mi voltò alla piana,  
De Quaderna la Gaiana,  
Samoza, e Confortin,  
Sanzan, e Manzolin,  
L'Budrie, e Postuman,  
Dusentola, e Cazzan,  
Co lunga, e le Caselle,  
Funtana, e le Morelle,  
Tizzan, e Bondanel,  
Vigors, e Gorgadel,  
A Buda, al Medesan,  
Savign, e Savjgnan,  
Bliem, e Roverè,  
Fiagnan, e Luvolè,  
Rion, e Rastlin,  
Tiola, e Zapolin,  
Casaia, e Casalecch,  
Al Medola, e Pontecch,  
Casalecch di Cont,  
Siviana, e Stifont,  
E Quart, Iola e Ian,  
l'Arient, e Musian,  
E sù per val d'Masna

A sont rangiar un' asna,  
Chal pars tut al so vers, Am  
met in s' qual travers,  
Pinsand chal sippa lù,  
Quand arrivà la su  
A veg ch' l'urina,  
E s'è un' asnina,  
Ch' n' val quattr quattrin, A  
torn al mia camin  
Tutt quant adulerà,  
Es viegn d'tirà  
C'havea pers al cervel  
Infin a Mloncel,  
E po' pass Ravon,  
Es vò fin a Sabiòn,  
Nò miga quel d'pian,  
Po' cèrch d' man in man,  
Tuta la culina.  
E po' viegn zo alla china, A  
Sala, e a' Furzia,  
Po' cerch tuttavia  
Della Selva de' Malviz,  
La Volta, e Battediz,  
Al Tè, e i Cason,  
Po' Paneg, e Monzon,  
Gaz, e Panzan,  
Quel d'mont, e quel d'pian  
Casal Fiumnes,  
E Castel Bulgnes,  
E po' pres un drit  
Vers Castel di Brit,  
E po' quisi pian pian  
A Pianor, a Loian,  
E fin a Scarga l' Asin  
Pr truvar al mia Asin,  
E n'al psand trovar  
Am met a caminar  
Senz' ordin, e rason,  
Es vag a Sassion,  
A Lian, a Ligaola,  
E fin a Vgnola  
Di Cont, a' Pradalbin,  
E la Piev dal Pin,  
Guarda s' quest' è una busca

Po viegn zò a Calamusca,  
E po la zò in triaga,  
Mo n' guardà cha vaga  
Qusi zovoriand,  
E che vaga saltand  
Qusi de zà, e de là,  
Ch'a dirla cun la vè  
Al bsogna dir quasi, Prché  
a son un, mi, Ch'n'hò  
tropp cervel,  
A son sta' a Sassadel,  
Al puoz di Lambertin, La  
zò a Sant' Agostin,  
E fin alla Palà,  
E po' son sta' a Arcovà,  
E anch a Castel Franc,  
A iera tant manc,  
Es toss li un bocon  
Po toss al mia baston,  
Es m'amollà d'nov,  
Pr vder pur s'a trov  
St'pour asnel,  
Anda al Tavernel,  
E po' alla Crusetta,  
Es cors la staffetta  
Infin a Crevalcor,  
O asnin mia d'or  
T'm'da' pur tant affann,  
Mo an finirè in t'un ann  
A dir quant t'val,  
E quant'al m'in fa mal,  
E son sta a Savonanz,  
E para pur inanz,  
A son sta al Mulinaz,  
Ancor al Castlaz  
San Pier in Casal,  
E un pè m 'fieva mal Am  
cavàvn scofon,  
E quasi quas a salton,  
Andà fin a Pizzan,  
A Viez, a Gavignan,  
E po fin a Ganzanig,  
Guarda d' grazia amig  
Sa ihò havù bel sulaz,

A son stà alle Rivaz,  
E po' a Castel San Pier,  
E po' pres al sintier  
Vers Castel San Pol  
Pur pr st' bstiol,  
E a Castel Guelf ancora,  
Né dentr, ne fuora  
A n'al psi trovar,  
Am mett a caminar  
Pur anch po qulj chmun,  
E s' arriuà a Muntrun,  
Chal n' si vdeva una gozza,  
A su in sla via da Dozza,  
Po vieng alla Fantuzza,  
Mò a portà via la puzza,  
Prché al niè aslin,  
E quasi tutt quel di  
Andà peregrinand,  
E sempr dimandand  
Dal povr Animalet,  
A ihò cerca Salet,  
E tutt' l'chè di Frab,  
E po s'an m'agab  
Andà alla Mzulara,  
Et anch alla Bevrara Ch'am  
liera smintgà.  
Ch l'è un pezz ca l' hò lassà  
E anch Castagnol,  
Am perd in l' parol,  
Es n' osserv la regola,  
Osù a torn alla Pegola,  
E po alla Cha Zoiosa,  
Prche cosa pr cosa  
Ai vuj cuntar anchua,  
San Martin di Manzua  
A l'hò cercà ancha lù,  
E s hò cerca d' più  
Qul'altr ser Martin  
In Arzen, e pr infin  
Li attorn al Bentivuoï,  
Mo a son in s'l'nuoi  
A far sti saltaria,  
Mo vdi pur compagnia  
Ch' à son stà fin a Cent,

Da Budri, e similmant  
Cinquanta a son sta,  
E tutt quant quel là  
Pr fin Massumadag,  
Macaredi, e a Stradg,  
E fin a Sant Albert,  
Malalberg quest è cert  
Cha i son anch arrivà,  
E po m'in son turna'  
In za vers Blogna,  
Ma al par c'hapa vergogna  
A dir sti tiramient,  
Mo al sangu di dient  
Mi vi vuoi dir tut,  
Ch'arstare in sal sut  
S'am fermas qui,  
A ihò cerca in t'un di  
Tutta Villanova,  
E udend chan s 'trova  
Andà alla Cros dal Biac,  
Mo a iera tant strac  
Chan pseva più,  
Pur a toccava sù,  
Es vign la mattina  
A fossa Cavallina,  
Es vag a Camald,  
E a dirvi in tal sald  
Al niera nianch li,  
A tal cham parti  
Udand chal niera in pian,  
Andà a Castel d' Aian,  
Tignan, e Saraval,  
E tutta quia val,  
E po' son sta a Olivè,  
E po' fin al Tolè,  
A son sta a Ciagnan,  
Campez , e Campugnan,  
Rochrio, Cedrecchia, e Vig  
E al Mont dal Furmig,  
E per Setta, e per Ren,  
E la Rocha d' Arfen  
Con qui pais gras,  
E Bisan, e Trasad,  
Fradust, e Biarchvig

Guarda s'l'è un intrig,  
Verzun, e Roncastald.  
Pinsa c 'haviva cald  
Pr tant caminar,  
A son sta a Mont Chiar,  
Ancora a Campian,  
Alvergà a Sciban  
E fin alla Puretta,  
E cerch dal pè alla vetta  
Cassina, e Monsver,  
Cassan, e Monsanpier,  
Casij, Africhi, e Budel,  
Montarsia, Montbudel,  
Montrums, e Monghidor,  
Monterentij, e Montdor,  
Brigola, e Brigadel,  
Monzors, Montbel,  
Ronch, Ripo, e Content,  
Montagù, Mont Ferdent,  
Montsanzan e Vidrian,  
Mont Pul, e Zulian,  
Montfiascun, e Sangueneda,  
E la Rocca di Curneda,  
Minzan, e Monzun,  
Brent, e Mugnun,  
Montorio, e Valgarara,  
Sas negr, e Cavrara,  
Sas predur, Preda cluora,  
A cercà dentr, e fuora,  
Montcalv, e Verzan,  
E la Rocha d'Pitiglian,  
E Dragaz, e Trasera,  
E quasi d'terra in terra  
Al Lagun, e Labant  
Hò cerch tut quant,  
Insomma st' cuntà,  
E mai n'l'ho trovà.  
A tal cha son vgnù  
A vder s'mai tra vù  
Al fuss capità,  
Za a v'hò palesà  
Quel c'havi a guadagnar,  
Donca av vuoi pregar  
A'darmal sa l'havì,

O insegnarmal sal savì,  
Prché sa sarò mai  
Chi s' l' hapa trafugà,  
Am n' andarò al turron  
A dir la mia rason,  
Es farò d'maniera  
Cha m'al tegnari mmar  
S' havessi ben crepar  
Pr fin là dund a stò,  
Hosù pur donch a vò  
La zò, cha ihò facend,  
A so ch' ognun intend  
Tutt quel che vuoi ufrir,  
Cha vuoi sol avvertir  
Inanz cha vaga via,  
Ch'la biestia n'né mia,  
Es dig in conclusion  
Chl' è l' Asin dal Patron.

IL FINE